



- **Zelebrazion dla Parora de Dio:** por düc i sorvisc de liturgia él preodü ch'al vegni ince tut n guant aladô (p.ej. prei, diacons, ministronc...). Cösc val ince por la Zelebrazion dla Parora de Dio: **“Le/la condutur/ia se iest por ademplí so sorvisc – desco i atri co sorantol sorvisc liturgics – le guant preodü”** (“La Zelebrazion dla Parora de Dio”). Porchel sarál sen ince te nosta ploania les porsones co condüj cöstes zelebrazions co se iestiará n guant liturgich. Cösc guant, co recorda emprömadedöt le Bato, significhieia ince che le sorvisc ven fat por y a ennom dla comunité.
- **Iolan y Dio s'al páii de Osta oferta ai Trei Resc: 6.394,67 €.** Iolan ai mituns y ales mitans y a düc chi co á colaoré por l'aziun. En ringraziamont ales families co á tut sö i Resc tles ciases y a düc chi co á fat val sorvisc: chi co á cuji y laé i guanc, co á fat da marena, co á fat na scatora y ater.
- **Gara d'La Pli:** la Joneza da paur envieia en **domegna ai 21 de iener**, ala gara dla lösa d'La Pli da Resac cina jö n Treo da Frena. Les iscriziuns ven fates al start dales 12:00 ales 12:45, start ales 13:00. An pó jí con löses singoles, löses doples, löses da fen y pöcl.



## enformaziuns y termins

**Sant'Antone sön Antermeia, en dedemesaledema ai 17 de iener:** ales 9:00 corona, ales 9:30 santa messa solena en onú de Sant'Antone; do messa val de cialt o da bere sön plaza y poscibilité de marné tal salf dles manifestaziuns. Ales 14:00 batadú de Sant Antone tal salf dles manifestaziuns. Al ne gnará nia ma carté mo al sará ince la poscibilité da davagné de bi pesc con na ola dla fortuna y con atri jüc. Düc é der bel enviés a to pert. Le davagn dla manifestaziun jará a ben dla dlíja d'Antermeia.

**Sorvisc ai Jogn/1:** le SaJ chir jogn y jones co á ligreza da laoré con mituns y mitans desco animadús/esses pa isté deboriada 2018 (an mess avei arjunt la majera eté!). Por enformaziuns, ☎ 0474 523070 (lönesc-jöbia, 8:00 - 12:00 y 13:00 - 17:00) o manuela@jogn.org. Termo por dé jö les domandes é le 9 de forá.

**Sorvisc ai Jogn/2:** le SaJ envieia i jogn y les jones dla 2. y 3. mesana al domisdé “Amicizia, amur, sessualité” en sabeda ai 20 de iener dales 13:00 ales 17:00 te Zënter dla jonéza y dla cultura SaJ.un a La lla. Dertan le domisdé gnará traté adöm ai jogn cöstes tematches y ai ciarará ince respostes profesionales a desvalies domandes te cösc ciamp. Prenotaziuns anter i 15 de iener, ☎ 0474 523070.

**Comun de Mareo:** en lönesc ai 15 de iener vegnel coü adöm ciomont da tosser, dales 09:00 ales 10:00 tla plaza de comun a Al Plan.

**Döt le bun a:** Agnese Taibon ved. Erlacher \* 17.01.1922  
 Maria Teresa Pedevilla Ellemunter \* 18.01.1932  
 Sr. Edith, Anna Erlacher, Balsan \* 19.01.1922  
 y a düc chi co á santennom y complesc i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina le dedemesaledema sera a Franz Rigo: ☎ 0474 500978 o ✉ ploania@gmx.net  
**Download plata:** www.unitepastorala.org



## Baia, Signur, che to sorvidú ascuta. Tö as parores de vita eterna.

📖 1 Sam 3, 3b–10.19 | 1 Cor 6, 13c–15a.17–20 | Jan 1, 35–42

### Dal Vangelo do San Jan:

Te chel tomp <sup>35</sup>ea Jan söle lórdann, olach'al baciâ, y con el dui de sü discepui. <sup>36</sup>Canche Gejú ea passé dan ia, á Jan ôt söa odlada sön el y á dit: Ciarede l'Agnel de Dio! <sup>37</sup>I dui discepui á aldí ci ch'al á dit, y ti é jüs do á Gejú. <sup>38</sup>Mo Gejú s'á ôt, y canch'al á odü ch'ai ti jea do, i ál damané: Ci oreise pa? Ai ti á dit: Rabbi – co ô dí: maester –, olâ abiteieste pa? <sup>39</sup>Al á respognü: Gnide y odede! Danló ésaí jüs empara y á odü olach'al abitâ, y é romagnüs chel de pa d'el; al ea encer les cater domisdé. <sup>40</sup>André, le fre de Scimun Pire, ea önn dai dui, co á aldí la parora de Jan y co ti ea jüs do a Gejú. <sup>41</sup>Cösc á encunté empröma so fre Scimun y ti á dit: I án ciarfé le Messia. Messia ô dí: Crist – le consacré. <sup>42</sup>Al l'á condüt da Gejú. Gejú ti á ciaré y á dit: Tö es Scimun, le fi de Jan, te desses avei ennom Chefas. Chefas significhieia: Pire (pera).

### Oraziun dal de

*Periun! Dio onipotent, tö comanes sora le ci y la tera y t'as la potesté sura i cörs dla jont: porchel gnunse plens de creta da te; sostegn düc chi co opereia por la iustizia y scinchi a nüsc tomps la pêsc. Do cösc te periunse por nosc Signur Gejú Crist, to Fi, co é Dio y vir y regneia con te t'unité dal Spirit Sant por düc i secui dai secui. – Amen.*

(Lezionar B)



📖 Letöres dla 3. domegna ia por l'ann:

**Iona 3, 1–5.10 | 1 Cor 7, 29–31 | Mc 1, 14–20**

Edema liturgica dai 14.01. ai 21.01.2018

<b>DOM 14.</b>	<b>2. domegna ia por l'ann de mondial dai migranc y profugs</b>	<i>Felix da Nola, Rainer</i>
<b>08:30</b>	<b>gran messa</b> por dōta la ploania <i>oferta por i debojūgn dla ploania</i>	
<b>10:00</b>	<b>3. s.m.</b> de sopoltōra por † Margareth Baldissera <i>♫ Mosaic s.m. a Al Plan</i>	
<b>Lön 15.</b>	<i>Romedius da Thaur, Arnold Jansen, Maurus</i>	
<b>07:30</b>	<i>s.m. a Al Plan</i>	
<b>Ded 16.</b>	<i>Teobald, Marzelin, Ulrich</i>	
<b>→ 07:45</b>	<b>s.m.</b> dai scolari en onú de S. Maria dal Bun Consei por la pesc <b>s.m.</b> por † Jep Rigo, Rara	
<b>Dem 17.</b>	<i>Antone abat (dai Tiers), Beatrix, Iulian</i>	
<b>→ 19:30</b>	<b>zelebrazion dla Parora de Dio</b> con benedisciun dai tiers (ciàssa)	
<b>Jöb 18.</b>	<i>al met man l'edema d'oraziun por l'unité dai cristians (18. - 25.1.)</i>	
<b>19:30</b>	<i>Regina, Prisca</i> <b>s.m.</b> d'aniversar por † signor Matio Rigo, Matlogn <b>s.m.</b> d'aniversar por † Massimo Topran Cutin, La Pli <b>s.m.</b> d'aniversar por † Frieda Ritsch, Tomele da Rara <b>s.m.</b> de ringraziamont por Nese Taibon ved. Erlacher, Cargá	
<b>Ven 19.</b>	<i>Marius y 3 compagns, Heinrich</i>	
<b>07:10</b>	<i>s.m. a Al Plan</i>	
<b>Sab 20.</b>	<i>Sabeda de Santa Maria   Fabian, Bostian, Elisabeta, Ursula</i>	
<b>18:00</b>	<i>s.m. prefestia a Al Plan</i>	
<b>19:30</b>	<b>s.m. prefestia</b> por † Pasquale Winkler, Rara <b>s.m.</b> por † Clara Erlacher ved. Willeit, Laronz <b>s.m.</b> por la vijinanza de Brach en ringr. y onú de San Bostian <b>s.m.</b> por † Monica Erlacher ved. Kehrer, Kehrer	
<b>DOM 21.</b>	<b>3. domegna ia por l'ann Domegna dla Bibia</b>	<i>Agnes, Ines, Meinrad</i>
<b>08:30</b>	<b>gran messa</b> por dōta la ploania <i>oferta por i debojūgn dla ploania</i>	
<b>10:00</b>	<i>s.m. a Al Plan</i>	
<i>ampola:</i>	do intenziun	
<i>ministronc:</i>	▶ da doman y domegna: Matteo Willeit y Fabian Winkler ▶ da sera y domegna: Alan Ellecosta y Alex Pedevilla	

<i>i recordun:</i>	Lois Erlacher + 14.01.2013 Josef Kosta + 15.01.2017 Frieda Ritsch + 16.01.2011 Signor Matio Rigo + 18.01.2009
--------------------	--



Gejú, olá pói pa te encunté? (Jan 1, 35–42)

**I ponsi do**

*Con Gejú, ven la vita na bela gran aventōra: el é le compagn de iade y le travert. Al ô ma ch'i se fidunse y ti junse do, ch'i stunse adöm con el, por vire na derta amizizia.*

*I podun encunté Gejú te vigne momont de nosc de. Ester cristiagn n'ô nia ma dí ji a dljia: al ô dí ti jí do a n stil de vita co ti somieia al so.*

**I prei ensciö**

Scinchi, Signur Gejú, a mia mont l'intelionza da capí to proiet con me. Scinchi a mi slef le coraji da te damané olá che te abiteies y a mio cōr le dejider da t'encunté.

Dái a mi vari la forza da ti jí do ai tū. Endlunch olá che te mo condūjes, ince por semenes sconesciüdes y nia saorides, i sun sogü che te ne mo lasciarás mai su y che mia vita sará plena de ligreza, sc'i romagnará fedel a töa cherdada.

*Walter Cazzaniga, Parola amica – Il Vangelo della domenica per ragazzi*



**De mondial dai profugs y dai migranc - 14 de iener 2018**

La migraziun cuntra l'Europa de jont co s'an sciampa dal'África y dai stac dl'orient é n fenomen y n segn de nosc tomp co ne pó nia nes ester anfat.

Al é jont co s'an sciampa:

- dala secia y dales consequenzes dal mūdumont dal clima
- dal sfrütamont da pert dai gragn conzerns y dal intossiamont dla tera y dl'ega
- dala stlavitú y dales condiziuns inumanes de na vita zonza n dagní
- da persecuziuns religiozes y de mendranzes culturales y politiches
- da veres y da söes consequenzes catastrofales.

Al é en gran pert jogh co é stés bogh da sciampé ca con la speranza de podei n de s'uní ai sü o almanco da ti mené ia val' da soravire. Dessogü ne proai nia da gní ca tl'Europa ma por l'avei miú atló co laía, zonza ne tolessi nia sōn ei i strabac de n iade tan prigrorus, olache dai milesc lascia la vita.

**Papa Francesch nes preia nos cristians da s'an tó sora de chi co é sforzés da s'an jí demez da söa patria y da jí altró a chirí poscibilités de vita. Defrunt ala situaziun misera dai migranc co ven da nos, envieiel la comunité cristiana da**

- „i tó sö“ ti denn la poscibilité da se lascé jö atló da nos
- „i protejé“ i defenenn te söa dignité umana
- „i sostigní“ i denn la poscibilité da s'istruí y da ciáfé n laur.
- „i integré“ i daidenn da ciáfé so post te nosta sozieté.